

黟縣三志卷三

地理志二

風俗

文宗顯皇帝諭旨黟縣各都鄉民深明大義

咸豐五年九月二十五日

黟縣紳民忠義奮發邑里爭光

同治元年十二月兩江總督奏摺

黟縣僻處山陬人多尚義大節凜然洵足增輝下邑

同治五年

四月兩江署督奏摺

黟祁等縣山中之人風氣樸古赴義急公

同治七年五月兩江總督奏摺

黟邑人醕俗古素稱小桃源隱君子樂居之重義輕財非

其道一介不取鄉間周急無倦

陳定宇傳巖處士墓誌

黟縣三志

卷三

地理 風俗

黟俗樸厚多隱者處山谷間

胡石邱儒學增記

黟邑多山質厚而氣和行純而學敏蓋能篤於自勵以成

其業

王敬環山樓記

黟地多佳山水而屏山為尤勝土壤甘腴泉流激射名家

巨族高人逸士多居其間

劉靜屏山樓記

黟於郡邑號為瘠俗最樸

金聲重修儒學碑

黟俗務於貞潔雖妾媵女儻亦以苟合為恥朱子云新安

山峭厲而水清潔其人務為高行奇節吾於列女亦云

嘉靖

府志

儉而好禮吝嗇而負氣家貲累萬垂老不衣絹帛千里履

物產

石笛黔西遞所產

黃鉞壹齋詩集自注

琅坑硯石

記載藝文

胡麻六都石墨嶺產者最佳粒表裏俱黑可入藥餌

茶六都石墨嶺產者最佳茗家謂之石墨茶

以上二條許乃登說

屨襪被自攜錙銖升斗見於面乾餓必報然急公趨義或
輸邊儲或建官廨或築城隍或賑饑卹難或學田道路山
橋水堰之屬輸金千萬而不惜甚至赤貧之士甞勉蓄積
十數年一旦傾橐爲之

趙吉士
修府志

黟俗以正月二十日爲天穿節

俞正燮癸
巳存稿

黟俗清明汲水釀酒爲一年祭祀之用或得色紅甘冽者
謂之紅孃過缸酒簪花缸面分餅紅紙蒙之題喜字

同上

夏至作白葉果食相餽遺冬至曬臘八豆腐或以寄遠

祈禳請猖出會演鬼前志已載示禁今仍未盡革除七都
復有游太陽降童之事尤爲不經游太陽者歲以六月酷

黟縣三志

卷三

地理 風俗

二

暑之時凡七都各村各廟神像盡昇出游聚於神位最尊
之廟數日乃還降童者游太陽日以莊戶童子爲之莊有
世巫行術降神附童子身躑跳若狂利刃刺額流血至胷
謂之開天門別煎油大釜極沸下豆腐赤手入沸油數取
之出俵會衆腐盡而手不灼左道衰俗云自明季已然惟
七都有此它都並無之